

Ekap zagât Yohaneņâ kulengoip.

Ândiândigât den sâm muyageip.

¹Yesugât kâmurân gâbâ a sâtņâ, nâ ambân Kembu Anutuņâ gâsum sâlâpogogip, gâ sot nan bârarâpkâ, zengât ekap zi kulemgum zingan. Nâ umnâ gâsâzâņgomap. Oi nâņak buņâ, den bonņâ nâņgâme, zen yatik otziņgâme. ²Kembugât den bonņâ umniņan ziap. Oi neņgâren yatik zem zâibap. Zorat op buku op ândinat. ³Anutu Ibâ sot nanņâ Yesu Kristo, zekâren gâbâ um lumbe neņgâren sambâlem zimzap. Zet tânnâņgoitâ zekât den bonņâ sot buku buku zo neņgâren sambâlem zimzap.

Umņâ buku orot, zorat den.

⁴Nan bârarâpkâ nâmbutņâ zen Anutu Ibâgât den bon zo lum mem ândie. Nâ zorat siņgi nâņgâmņâ sâtâre patâ orâwan. ⁵Oi zi ambân sâtņâ, gâ den bonņâ nâi dâgoga nâņgâ. Den uņakņâ buņâ. Mârumņan gâbâ zem gâip, den zorik dâgobâ. Zen buku oraņgâm ândibi. ⁶Oi buku orotņangât topņâ itâ. Nen umniņandâ Anutugâren ari zâkkât den kâtik mem ândinat. Anutugât gurumin den mârumņan gâbâ zei nâņgâm gawe, zo mem ândim buku oraņgâm ândibi.

Sarâ a, zengât den.

⁷Nâņgat. Sarâ a doņbep muyagem ândie. Zen Yesu Kristo zâk hân sâk sot muyageip, den zo kwâimbâme. A yatâ zo ko sarâ a sot Kristogât kâsa sâsâņ. ⁸Nen zengâren nep tuugindâ bonņâ muyageip, zo gulip opapkât galem oraņgâm ândibi. Yatâ ândim ma ko sâņgân patâ mimbi. ⁹Ka nâi zâk Kristogât den mân mem ândim birâbap, zâk Anutu sot pâlâtâņ mân upap. Ka nâi zâk Kristogât den nâņgâm mem ândibapņâ Ibâ sot nanņâ, zet sot pâlâtâņ upap. ¹⁰Ka nâi zâk Kristogât den mân mem ândibapņâ zengâren gâi mirâ aņgân kârâm buku mân okņangâbi. Zâk mân lum mâņganbi. ¹¹Ņâi zâk a yatâ zo buku okņangâbap, zâk bâliņangât nep tângubap.

Den murukjâ.

¹²Den nâmbut donbep ziap. Oi simbuprjâ ekabân kwânângâbatkât mân otnigap. Nâ zeŋgâren kek gandâ den lâuyân âragunatkât san. Oi umâlep patâ utnat.

¹³Gatkâ Kembujâ gâsum sâlâpkoip, zâkkât nan bârarâp ziŋâ nâŋgâgime
Zo yatik.